

Ysbyty Cymuned

Gogledd Sir Ddinbych



GIG
CYMRU
NHS
WALES

Bwrdd Iechyd Prifysgol
Betsi Cadwaladr
University Health Board

Newyddlen 2
Gorffennaf 2020

Eich adborth ar Ysbyty cymuned newydd Y Rhyl

Rydym yn parhau i wneud cynnydd tuag at gyflwyno ein cais cynllunio ar gyfer ysbyty cymuned newydd yn Y Rhyl. Er gwaethaf y pandemig COVID-19, mae'r Bwrdd Iechyd, Kier Construction a Gilling Dodd Architects wedi parhau i weithio'n galed i ddatblygu cynlluniau ar gyfer y safle.

Ymatebodd mwy na 200 o bobl i'n hapél am adborth ar ailddatblygiad safle Ysbyty Brenhinol Alexandra.

Rydym wedi casglu'r holl adborth a gawsom drwy ein harolwg a'r sylwadau a wnaed ar y cyfryngau cymdeithasol, ac rydym wedi datblygu dogfen cwestiynau cyffredin sy'n crynhoi mwyafrif yr adborth yr ydym wedi ei gael.

Mae nifer o bobl a oedd ag ymholiadau penodol am y prosiect hefyd wedi cael ymateb unigol.

Roedd rhai o'r cwestiynau mwyaf cyffredin am feysydd parcio, ein cynlluniau ar gyfer yr adeiladau presennol ar y safle, a manylion ar ba wasanaethau fydd yn yr ysbyty newydd. Rydym hefyd wedi cynnwys rhai o'r cwestiynau mwyaf cyffredin yn y newyddlen hon, gan gynnwys gwasanaethau yn yr ysbyty, parcio a'n cynlluniau ar gyfer adeiladau presennol.



Mae'r ddogfen Cwestiynau Cyffredin llawn ar gael ar wefan y Bwrdd Iechyd ar y dudalen Diweddariadau a Datblygiadau.

Cam nesaf y datblygiad yw cyflwyno Achos Busnes Llawn i Lywodraeth Cymru. Bydd hyn yn amlinellu sut fyddwn ni'n mynd i'r afael â'r holl ofynion statudol wrth i ni ddatblygu'r prosiect yn ofalus.

Mae ein tîm yn parhau i weithio'n galed ar y prosiect ac yn lleihau'r risg o oedi o ganlyniad i COVID-19.

Am fwy o wybodaeth ewch ar:

www.bipbc.gig.cymru/newyddion/diweddariadau-a-datblygiadau/

Ebost:

BCU.RAHFeedback@wales.nhs.uk

Rhai o'n cwestiynau mwyaf cyffredin

Pa gynlluniau sydd ar waith i ddarparu parcio digonol?

Bydd meysydd parcio'n cael ei wella drwy greu parth ganolog, a fydd yn darparu llawer mwy o fynediad parcio effeithiol ac yn gwella gweithrediad cyffredinol y maes parcio. Bydd y maes parcio i staff ar flaen Ysbyty Brenhinol Alexandra yn cael ei gadw. Bydd parcio'n cael ei wella drwy fannau ychwanegol ar gyfer beiciau a beiciau modur i annog staff ac ymwelwyr i achub ar y cyfle o ddefnyddio ffurf gynaliadwy o deithio.

Rydym hefyd yn edrych ar opsiynau ar gyfer parcio oddi ar y safle yn ystod y cyfnod adeiladu, i leihau tarfu ar barcio ar y stryd i breswylwyr lleol mewn ardal sydd eisoes yn brysur.

A fydd yr un nifer o adrannau a gwasanaethau?

Bydd yr holl wasanaethau presennol sy'n gweithredu yn Ysbyty Brenhinol Alexandra yn cael eu hadleoli i'r adeilad newydd neu'n aros yn adeilad presennol Ysbyty Brenhinol Alexandra. Rydym hefyd yn cynllunio i gyfuno rhai gwasanaethau o ysbytai eraill yn yr ardal a safleoedd eraill yn yr adeilad newydd. Mae hyn yn cynnwys gwasanaeth cleifion allanol Awdioleg wedi'i ehangu a Gwasanaethau Deintyddol Cymuned. Bydd y gwasanaethau newydd ar y safle'n cynnwys:

- Ward i Gleifion Mewnol
- Ystafell Therapi IV, gan gynnwys ychydig o driniaeth cemotherapi
- Gwasanaeth yr un diwrnod ar gyfer trin mân anafiadau a mân anhwylderau

Beth fyddwch chi'n ei wneud am y traffig, llwch a sŵn yn ystod y gwaith adeiladu?

Cyn y bydd unrhyw waith yn dechrau ar y safle, bydd ein contractiwr yn cynhyrchu cynllun rheoli adeiladu a fydd yn mynd i'r afael â'r pryderon a godwyd o ran tarfu, llwch a sŵn ac yn eu lleihau. Bydd bob ymdrech yn cael ei wneud i sicrhau cyn lleied o darfu â phosibl i'r ardal leol a bydd ymgynghori parhaus â phreswylwyr yn sicrhau y bydd bob pryder yn cael ei chlywed a byddwn yn mynd i'r afael â nhw.

Mae gennym bryderon am y tyrbîn gwynt a nodir ar y cynllun

Yn dilyn sylwadau a dderbyniwyd a datblygiadau pellach y cynigion, mae tyrbinau gwynt yn awr wedi'u hepgor o'r cynllun. Bydd y Bwrdd Iechyd yn parhau i ymrwymo i amcanion cynaliadwyedd drwy ddulliau amgen megis ffotofoltaidd a phympiau gwres aer.

Rhai o'n cwestiynau mwyaf cyffredin

Beth yw'r cynlluniau ar gyfer Ysbyty Brenhinol Alexandra presennol a pham ddim adnewyddu'r adeilad hwn i ddarparu gwasanaethau iechyd?

Gyda gwelliannau modern mewn gofal iechyd, nid yw Ysbyty Brenhinol Alexandra bellach yn addas i ddarparu'r amgylcheddau clinigol gofynnol. Rydym wedi ymrwymo'n llawn i gynnal yr adeilad hwn fel canolfan cefnogaeth, ond mae'r sgôp ar gyfer datblygiad ar y safle i ddarparu gwasanaethau gofal iechyd newydd yn gyfyngedig. Rydym yn datblygu cynigion adnewyddu a fydd yn darparu mannau a swyddfeydd cefnogi newydd. Bydd rhai gwasanaethau plant yn aros yn yr adeilad presennol a bydd yr adrannau hyn yn cael eu hadnewyddu i safon uchel.

Mae cynigion wedi cael eu datblygu mewn ymgynghoriad â'r Swyddog Cadwraeth leol a CADW. Mae bob cynnig wedi'i gydbwysu'n ofalus yn erbyn ansawdd yr adeiladau presennol a gofynion yr ysbyty newydd.

Bydd y capel presennol yn cael ei gadw, gyda gwaith cynnal a chadw'n cael ei gyflawni i sicrhau ei ddyfodol tymor hir.

Bydd nodweddion gwreiddiol Ysbyty Brenhinol Alexandra presennol yn parhau i gael eu cadw a'u diogelu ar gyfer y dyfodol, gan gynnwys:

- Trwsio a newid nwyddau dŵr glaw.
- Trwsio a newid ffenestri
- Trwsio gwaith cerrig
- Adnewyddu grisiau, newid cladin metel gyda deunyddiau mwy traddodiadol megis brics a sinc.

Rydym wedi cynnal adolygiad helaeth o'r holl adeiladau ar y safle ac wedi dod i'r casgliad nad yw adeilad Edith Vizard yn darparu unrhyw gyfle ychwanegol ar gyfer dyfodol darpariaeth gofal iechyd. Bydd pwysigrwydd cyfraniad personol Edith Vizard yn cael ei adlewyrchu yng nghynigion yr ysbyty newydd. Mae adeiladau Glan Traeth wedi cael eu dynodi fel rhai i'w dymchwel i alluogi datblygiad cyffredinol y safle. Bydd gwasanaethau sydd ar hyn o bryd yn cael eu cynnal o'r adeiladau hyn yn parhau'n weithredol drwy gydol y gwaith o adeiladu'r ysbyty newydd.

